



Universitätsbibliothek Paderborn

Asiaticae Historiae Societatis Iesv Pars ...

Libris Qvatvor Conseqventibvs Pertexens, Quae post beatum S. Xauerij
Obitum Soc. Patres ad Dei gloriam in iisdem Prouinciis gessere

Bartoli, Daniello

Lvgdvni, 1667

11. Rex Ormuzien. violenter à suis impeditur ne fiat Christianus.

urn:nbn:de:hbz:466:1-11445

deinceps pro filio.] Sed enim Deus poenitidine vulgari aliquid ab eo poscebat sublimius; proditione meditata, vel tabellarij imprudentia incertum, venit Berzei epistola in præfecti manus qui arcis præterat. Is fure amēs, extemplo Ioannem sibi iubet, adductum præruptè interrogat, qua lege stet Mahometis an Christi? conspicatus Ioannes quod res erat, nec ore nec animo mutatus intrepidè ait, à Christo se stare, Dei misericordis profusa gratia qui se propitiis intuitus oculis, sero licet, aliquando tamen sui conscientiam erroris fecisset: cœterū promissis, & minis parcerent, frustra fore vtrumque ad reuelandam sibi ex animo fidem, quam semel pessimè desertam, clementer nunc recuperasset, nunquam in perpetuum fallendam, paratum se saltem in ea occumbere, si minus daretur in ea vivere; grandi sibi futurum lucro, si annos decem quos ritu Maurorum, turpiter exegisset, suo sanguine expiat. Hæc uti contempsit aduersus Mahometem, sic honorificè in Christum dicit, ita hominem extra se egerunt, ut ægrè abstinerit ab illo manus, dedit tamen aliis frustratim laniandum, mutilandumque ad necem lento cruciatu; caput hasta præfixum ad terroris ostentum in propugnaculi edito locatur; at suam illi condignam coronam cœlum reposuit, & iustum barbaris à quibus rescissum fuerat, mercedem. Menses abierant non multi, cum ecce tibi ex India Antonius Noronia cum selecta manu bis mille armatorum, à Berzeo haud sanè ad prædam egregiè animata, verum ad frangendam Maurorum superbiam, & vires deprimendas. Bimestre Ormuzij hæserant necessariis instaurandis, & oram secuti Arabiae in sinu nauigabant, cum Noroniae incidit, Catifa arcem ante omnia tentare. Cœlo itaque fauente, nec dubitarim etiam Ioanne inde opem ferente, urbem primo impetu captam, diripiendam militibus dedit; deinceps multa cum Maurorum strage, arcem quoque in suam rededit potestatem, ubi dum Præfecti scruntur gazam, Berzei comparet ad Ioannem Belgam epistola, & dum curiosus scire auent quis ille, & vbinam Ioannes? ipsissim ex Mauris compériunt quicquid de illo hactenus retuli, eiusque adeo caput illud esse quod conspicuum in hasta eminebat. Quare ex probroso sublatum situ, & religiosa veneratione serico inuolutum, donum Berzeo retulerunt, isque multo populi concursu festo Hymnorum, & Psalmorum cantu ei extra urbem occurrit, triumphi specie haud minus læta, quam Noroniae redditu de Catifa victoris, & triumphantis. Sequamur nunc à Berzeo, Mahumetanos inter Ormuzij gestis, ex eo narrandis, quod ipsissim Xauerij iussu ad S. Ignatium, ad socios in Indiam, & Conimbricenses nostros in Lusitaniam scribebat, ex quibus etiam literis, quæcumque de ipso referto habentur.

Dicebat ad populum die quodam majoris jejunij, cum adest sub medium concionem ab Rege nuncius à quo accersebatur, omisso in aliud tempus quod supererat sermonis aduolat.. Exceptus à Rege in frequenti suorum splendidaque aula, post humanissimæ comitatis prima colloquia, seducitur in interius conclave, cum interprete regio Garcia de

II.
Rex Ormuzien, violenter à suis impeditur ne fiat Christianus,

Penna

Penna; illic diu nequicquam multumque relutantem cogit Rex suo in throno confidere, ipse de genibus prehensa reuerenter ad osculum manus, in subsellio resedit. Inde suam illi mentem aperire, Decretum sibi esse Mahometi excusso, Christi legem amplecti, se quidem in Persia philosopho aliisque ritus Mauricii propugnatoribus superatum fateri; absentem licet, sed certò ex iis qui aderant comperisse illorum rationes quam essent infirmæ, ac debiles; quò minus tunc statim Christiano lauacro initiaretur, Christumque profiteretur palam, obstatu suspectam suorum fidem, vereri ne vrbem perduellione fusdèque verterent, aut se venænis de medio tollerent, aut seditione repentina regno expellerent; præuertenda sibi hæc esse pericula; deuincienda regni primaria capita, habenda in promptu in omnes euentus externa prælidia, ne intestina vis, vt veller maximè, mouere quicquam posset. Ad hæc perfusus incomparabili gaudio Berzeus, actis Deo tam magnificæ spei ingentibus gratijs, Regem in cœpto confirmare; nihil esse quod sibi metueret, adfuturum consiliis, quorum auctor esset, & arbiter, Deum. Ad parandos vero suorum animos, vt se præberent exemplo Principis, & proposito dociles, nihil se tunc commodius cernere, quam si publicam in aula regisque præsentia disputationem indiceret, cui interessent Mahometis doctores præcipui: ad præmuniendum autem regni statum aduersus Principum, & populi motus, nihil præsentius, quam si Proregis Indianum ad manum forent auxilia, seque ad illum super iis, daturum literas cum naues abirent, quæ sexto quoque mense Goam vela facere consuerint. Rem totam interea inuiolabili silentio premeret, & cum Deo communicaret solo, ad exposcendam intimis precibus eius opem. Verum de hoc arcano, condicisque mortalium nemini cognitis, dæmonis opera putatur factum, disturbare illa funditus satagentis, non modo vt palam fierent, sed breui, quo pacto ignoratur, ubique Rex auditet Christianus, notareturque lustricus eius dies quo cum Berzeo, priuatim, & secreto egisset, tunc enim fuisse ab illo baptizatum: & quidem hinc varia procerum, & ciuium studia, sed fermè regiis consona, & gratulabunda. Cum enim Berzeus, concionando, disputando, & mira edendo, hominum animos subegisset ad sementem diuinam Christianæ legis, ubi fama vulgauit, iam à Rege suscepit, credi vix potest quantis letitiis, quam multos affecerit, scribitque Berzeus, viginti Maurorum millia in præcinetu stetisse vt quo die Rex sacrum fontem iniret, ipsi eodem lustrarentur, & eorum complures, iam sibi & lustricos Patres, & nomina, legisse, quibus vellent vocari, postquam forent adscripti Christianis. Sed numerosa hæc tam multorum, & tam propensa consensio paucorum dissensu euersa est, potentiorum fateor, sed quinque solummodo capitum. Hi quæ erat rex imparior, machinam obuertunt quam norant omnium maximè in eum validam. Regis adeunt matrem, ambitiosam anum, persuadentque regnum in præcipiti pendere, certoque ruiturum nisi quantocyus, in saniora consilia filium verteret. Nec Per-

sam

sam, nec vicinos reges, suarum æmulos & ditionum, & sectarum, vnuquam commissiuros, domus suæ patentem aditum, Ormuzium scilicet, penes hominem esse, religioni suæ, & rationibas infensum. Hi si coniurassent aduersus insulam, vt erant absque dubio facturi, eamque infestis classibus stringerent, duraturam videlicet sub obsidione diurna, quæ nec demensum viius diei progigneret? Lusitanos vt quam celerimè suppetias ferrent, sed adeo impares numero, fore nempe viribus satis pares; atq[ue] vt tales sint, ac vincant, quis urbem, & regnum, cui tot annos irhiatunt, iis abstulerit? quod meriti nomine arce imposita, velut manu altera iniecta iam tenent: nihil se de contemptu religionis autem dicere, qua regnum tot saeculis stetisset, tot reges floruisse, totus prope oriens viueret. Decuisse nimirum vt Ormuzij Rex sapientiae faciem præferret vniuersis, doctorem ageret, legem ferret, orbem nouis ritibus instauraret? Idque scelerosi hominis maleficio fascinatus, cuius etiamtum latebat ortus, nec aduentus causa potuisset satis liquido comprehendendi. Hac gemina peste superstitionis, & regni occupata mulier, velut furiis duabus Regem filium adit, tumultuatur, doleret, rationibus preces & lacrimas; maternæ potestati minas, & imperia permiscet. Ac ne quid scelerum deesset ad miserum Principem à proposito dimouendum, succedunt anui exequi, quinque illa Regiæ carcinomata, inculcatisque ab Regina dictis, tot & talia minantur, de populo, & finitimis regibus ad eius expulsionem proritandis, (& vero iam Babilonium, & Arabes tentarant) vt timori Rex tandem cederet, fractusque sponderet, se nihil ulterius moturum quam quod suo ipso assensu probauissent. Quantum ingemuerit his malis Berzeus, lacrimarum vim quantam coram Deo profuderit difficile dictu est, [Cum viderem, ait ad Ignatium scribens, pretiosam prædam euelli mihi de manibus, qua sola eram in reliquam vitam affatim dirandus, acerbissimum cepi animo dolorem, retulique hoc nefas in grauitatem meorum criminum, quæ tam graui pœna plecerentur, quamquam huius doloris angit etiam me dolor, metuentem ne forte cœnosa ex scaturigine latentis superbiæ oriatur; quasi meo laborei pretium deberetur, quod viuis Dei est operæ, iustè sancteque omnia moderantis, et si autem me diuina bonitas videtur consolari, nouis in dies ad Christi fidem accessionibus, sed hæret lateri vulneris suum, & funesti casus amara memoria.] Volabat interea per omnes Provincias, de Rege Ormuzij ad Christum conuerso anceps rumor. Misit Rex quidam Saraffus nomine, Caseigum suorum è numero primarios Alcoranni magistros, atque interpretes, & testes eorum peritiæ literas quibus affirmabat, nisi eos audire grauaretur, reuocaturos illum ab errore ad mentem; eos ab se si pelleret vltro ipsos Mahumetis causa oppedituros mortem, quorum neutrum ab ijs præstitum est. Rex Ormuzij per certos homines, saxis illos accessu arcuit; ipsique vt vident duriuscula comitate sibi obuiam ventum, effusa fuga lapidationem, ne dum mortem vitarunt. Etsi enim Regem metus perculerat, sed lingua

D. 3 tenuis;



tenus; abiectumque ore suscipiendo baptismi decretum, altè animo, votisque tenebat; haud quidem verè Christianus, sed multo minus Maurus: atque utinam Berzeo datum esset conuenire illum, & alloqui; verum et si rex ipse id magnopere cuperet, & Berzeus vndequaque tentaret, viriusque conatus eluisit custodia, qua palatij aditus Regis mater, acti, fortique munierat; ne si aiebat, magus ille, intro subierit, repetitis carminibus Regem denuo incanteret.

12.
Tempestas
in Berzeum
à Saracenis,
eiusque vi-
ctoria.

Quod ergo aliud deinceps afflictissimo Berzeo præter diuinum sub-sidium non restaret; ei cœlitus impetrando supplicationes Christianorum instituit. In ijs interdum quinquaginta, plures aliquando, voluntaria flagellatione, magnisque vocibus diuinam clementiam implorabant, non modo ut Regis vetera desideria secundaret; sed matris Reginæ sauvitiam, & illorum quinque Mahometismi principum frænaret, qua Christiani dire vexabantur. Primo enim iuratò contra illos statutum fuerat ne quis sineretur à Mahometo ad Christum migrare, deinde ut est in utramque partem vulgus versatile, incensum est aduersus Berzeum falsis rumoribus, compertorum tandem certis argumentis ipsius maleficiorum, quibus fascinarentur quoscumque voluisset. His reuerentia Berzei in contemptum & execrationem commutata, beatiorem se quisque credere, quo esset in illum deterior; crebro cum suis supplicantem, lapidibus petere, quibus quo minus interiret per plebem non stetit. Mahometo deferre, quod is Christi honori deferebat; vociferari inconditè Deum unum, & solum, ad exprobrandam Christianis Deorum trium adorationem. Ad haec irrisiones sacrilegæ, conuictia, iniuriæ, contumeliae in Christum, quam multas insanum odium & adulatio procerum valebat comminisci, quibus ad hoc stolidæ, & demens plebecula, venales pecunia, linguas, & petulantiam commodabat. Quæ lentaræ diu patientiæ ardore Berzeus cum sustinuisse, videretque malum ferendo crescere, suo & ipse iure, igneque accingitur, inhibiturus præsentí remedio rabiem hostium ne porro lethaliùs serperet. Erat proximo in colle Mahometis fanum aliquantò superius angusta eremo quam traductus, ut post narrabitur, ad fidem Bracmanes Berzeo donarat, futuri nobis vel pignus, vel omen Collegij. Euadebat illuc Maurorum quotidie columnes plurima, & vesanis ad rauim clamoribus sanctam Crucem & Christum impiè conspurcabat. Nefas creditit Berzeus, sacrilegij insolentis licentiam impunè diutius tolerare. Crucem iubet compingi grandem, duorum humeros non faciliter pressuram, sub serum dei procedentium instrueto agmine versus eum locum portandum curat, ubi soliti erant barbari tanta petulantia debacchari; illic in medio defixam fano, adactis alte ad radicem axis ita firmat, ut refigi nisi magno labore, & longo non posset. Hanc Mauri postridie ut procul vident, inexplicabili insanía, deierare, queri, ora vnguiibus laniare, expostulare fletibus apud Mahometem, quod eam de cœlo iniuriam spectaret latus, & inultus denique tum fanum, velut profanatum, & exauguratum deferere